

Nr. 2264 prot, datë 13/05 2019

Nr. 10572 prot, datë 13/5 / 2019

Kontratë ndërmjet KESH sh.a dhe OSHEE sh.a/OSSH për shit-blerjen e sasisë së tepërt të energjisë elektrike, që rezulton pas përmbushjes së kërkesës së klientëve që përfitojnë nga Shërbimi Universal, me qëllim mbulimin e humbjeve në rrjetin e shpërndarjes për periudhën kohore 01.01.2019-31.12.2019

E lidhur sot me datë ____ . ____ .2019, ndërmjet:

Korporates Elektroenergjitike Shqiptare, KESH sh.a., rregjistruar si person juridik me vendimin Nr.12728, datë 06.11.1995 të Gjykatës së Rrethit Gjyqvsor Tiranë, me seli në Rr."Viktor Eftimiu", Blloku Vasil Shanto, Tiranë, Shqipëri, me NIPT-i J61817005F, e përfaqësuar nga Z. Benet Beci, Administrator i Shoqërisë KESH sh.a., që më poshtë do të quhet "**Shitësi**",

dhe

Operatori i Shpërndarjes së Energjisë Elektrike sh.a, (OSHEE sh.a/OSSH), rregjistruar si person juridik me vendimin Nr.38587, datë 19.06.2007, të Gjykatës së Rrethit Gjyqësor Tiranë, me seli në Bulevardin "Gjergj Fishta", Ndërtesa Nr.88 H.1, Njesia Administrative Nr.7,1023 Tiranë, Shqipëri, me NIPT-i K72410014H, përfaqësuar nga Z. Adrian ÇELA, Administrator i shoqërisë OSHEE sh.a., që më poshtë quhet "**Blerësi**",

(të cilët do të referohen veç si më sipër së bashku si "Palët" dhe me vete si "Pala")

Baza ligjore: Ligji Nr.43/2015, "Per sektorin e energjise elektrike", Vendimi Nr.244, datë 30.03.2016, i Këshillit të Ministrave "Për miratimin e kushteve për vendosjen e detyrimit të shërbimit publik, që do të zbatohen ndaj të licensuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike" i ndryshuar, Vendimi i Bordit të ERE Nr.139/2016 "Për miratimin e rregullave të përkohshme të tregut shqiptar të energjisë elektrike", i ndryshuar, Vendimi i Bordit të ERE Nr.193/2017 "Për miratimin e rregullave të përkohshme për mekanizmin balancues të energjisë elektrike", Ligji nr.48/2014 "Për pagesat e vonuara në detyrimet kontraktore tregtare" i ndryshuar, ", Vendim i Bordit të ERE nr. 264, dt. 20.12.2018 " Mbi vendosjen e periudhës tranzitore për bërjen efektive të transferimit të licensave të operimit të sistemit të Shpërndarjes së energjisë elektrike , të Shoqërisë Operatori i Shpërndarjes së Energjisë Elektrike sh.a (OSHEE SH.A) tek shoqëria Operatori i Sistemit të Shpërndarjes sh.a (OSSH SH.A); licensës së furnizimit energjisë elektrike dhe detyrimit të shërbimit universal të furnizimit të energjisë elektrike, të Shoqërisë Operatori i Shpërndarjes së Energjisë Elektrike sh.a (OSHEE) sh.a, tek Shoqëria Furnizuesi i Shërbimit Universal sh.a (FSHU sh.a),

- Në kushtet kur në pikën 4, të nenit 5, të Vendimit të Këshillit të Ministrave nr.244, datë 30.03.2016, "Për miratimin e kushteve për vendosjen e detyrimit të shërbimit publik, që do të zbatohen ndaj të licensuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike", i ndryshuar, parashikohet se: "Sasia e tepërt e energjisë elektrike, e krijuar nga shoqëria e prodhimit të energjisë elektrike, pas përmbushjes së kërkesës së klientëve që përfitojnë nga furnizimi universal, në përputhje me parashikimet e kontratës së rregulluar ndërmjet palëve, sipas pikës 2, të këtij neni, i shitet Operatorit të Sistemit të Shpërndarjes, për mbulimin e humbjeve, sipas çmimit mesatar të Bursës Hungareze, HUPX, për periudhën në të cilën është kryer lëvrimi i energjisë, për produktin/profilin në bandë, siç publikohet në website-in e kësaj

burse dhe përcaktohet, në mënyrë të detajuar, në kontratë. Në këtë rast, sasia e shitur Operatorit të Sistemit të Shpërndarjes nuk duhet të tejkalojë sasinë e energjisë që është e nevojshme për mbulimin e humbjeve në rrjet. Kontrata ndërmjet Operatorit të Sistemit të Shpërndarjes dhe prodhuesit të energjisë elektrike miratohet nga ERE”;

Palët bien dakort si më poshtë vijon:

Neni 1

Objekti i Kontratës

KESH sh.a., i cili më poshtë do të quhet “Shitësi/Furnizuesi” dhe OSHEE sh.a./OSSH (në funksionin e Operatorit të Sistemit të Shpërndarjes) që më poshtë do të quhet “Blerësi”, lidhin dhe nënshkruajnë këtë kontratë me objekt shit-blerjen e sasisë së tepërt të energjisë elektrike, që rezulton pas përmbushjes së kërkesës së klientëve që përfitojnë nga Shërbimi Universal, me qëllim mbulimin e humbjeve në rrjetin e shpërndarjes për periudhën kohore 01.01.2019-31.12.2019.

Neni 2

Detyrimet Kryesore të Palëve

1. OSHEE sh.a./OSSH, përpara çeljes së procedurës së blerjes në treg të energjisë elektrike për mbulimin e humbjeve në rrjetin e shpërndarjes, do të njoftojë KESH sh.a. për sasinë e energjisë elektrike që ka planifikuar të blejë për mbulimin e humbjeve në rrjet, duke i kërkuar me këtë rast KESH sh.a. informacion mbi mundësinë që kjo e fundit ka për të furnizuar sasinë e energjisë elektrike që kjo e fundit mund ti shesë për mbulimin e tyre, sasi e cila mund të mbulojë pjesërisht apo plotësisht kërkesën për mbulimin e humbjeve.

KESH sh.a., përpara çeljes së procedurave të shitjes së energjisë elektrike, pasi ka përmbushur detyrimin kontraktual për FSHU për furnizimin e klienteve fundore, do të komunikojë shoqërisë OSHEE sh.a. mundësinë e furnizimit me energji elektrike për mbulimin e humbjeve në rrjetin e shpërndarjes, ndërsa kjo e fundit duhet të konfirmojë brenda afatit të përcaktuar në kërkesën e KESH-it pranimin ose jo të sasisë së energji elektrike të ofruar nga KESH sh.a. për mbulimin e humbjeve.

2. Nëse të dyja palët bien dakord për shitjen/lëvrimin e plotë apo të pjesshëm të energjisë elektrike për mbulimin e humbjeve në rrjetin e shpërndarjes, atëherë programimet, nominimet, konfirmimet, lëvrimi dhe matja do të bazohen në Rregullat në fuqi të Tregut Shqiptar të Energjisë Elektrike dhe akteve të tjera nënligjore në zbatim.

Neni 3

Çmimi

Çmimi për livrimin e energjisë elektrike sipas kësaj kontrate do të jetë çmimi mesatar i burses hungareze HUPX për periudhën në të cilën është kryer lëvrimi i energjisë elektrike për produktin/profilin band, siç publikohet në website-in e kesaj burse.

Neni 4

Faturimi dhe Pagesa

1. Shitësi do t'i dorëzojë Blerësit një faturë sipas formatit dhe standardeve që parashikon legjislacioni në fuqi, e cila paraqet sasinë totale të Energjisë Elektrike të programuar/konfirmuar nga shitësi dhe blerësi për mbulimin e humbjeve në sistemin shpërndarjes. Paraqitja e fatures do të bëhet brenda datës 5 të Muajit pasardhës të periudhës së livrimit të energjisë elektrike (ose kur kjo datë është pushim zyrtar, ditën pasardhëse të punës). Krahas faturës, Shitësi do t'i dorëzojë Blerësit edhe të dhënat shoqëruese që lidhen me faturimin.
2. Blerësi brenda datës 20 të muajit pasardhës të livrimit të energjisë elektrike, duhet të dergojë shitesit informacion mbi sasine faktike të energjisë elektrike të shitur për mbulimin e humbjeve në sistemin shpërndarjes, me qëllim sistemimin e veprimeve në përputhje me parashikimet e kontratës për shiblerjen e energjisë elektrike për plotësimin e kërkesës për energji elektrike të klienteve fundore që

perfitojne nga Sherbimi Universal i Furnizimit. Palët pas marrjes së të dhënave, nëse është e nevojshme, do të bëjnë sistemimin e veprimeve referuar destinacionit të energjisë elektrike të furnizuar.

3. Pagesa e faturës nga ana e blerësit, do të bëhet brenda 30 diteve kalendarike nga dita e lëshimit të faturës përkatëse nga ana e shitësit dhe nëse dita e fundit nuk është Dite Pune, ditën tjetër të punës.
4. Vonesa në kryerjen e pagesës; Nëse Blerësi dështon në kryerjen e pagesës brenda afatit të përcaktuar në këtë Kontratë, shpërblimi për dëmet e shkaktuara si rezultat i vonesës, do të jetë sipas sipas legjislacionit në fuqi. Në llogaritjen e kamatëvonesës nuk përfshihet data kur kryhet pagesa.

Neni 5

Mos-Performanca Për Shkak të Forcës Madhore apo pamjaftueshmërisë së plotësimit të kërkesës për klientët tariforë

1. Përveç se kur specifikohet ndryshe, "Forcë Madhore" për qëllimet e Kontrates do të thotë një ngjarje jashtë kontrollit të arsyeshëm të Palës që pretendon Forcën Madhore ("Pala Pretenduese") që nuk mund ta shmangte ose ta kapërcente në mënyrë të arsyeshme dhe që bën të pamundur që Pala Pretenduese të kryejë detyrimet e livrimit ose pranimit, për shkaqet e mëposhtme, por pa u kufizuar me to:
 - a. defekti në komunikim ose i sistemeve kompjuterikë të OST-së përkatëse që e pengon Palën Pretenduese të kryejë detyrimet e livrimit ose pranimit; ose
 - b. pezullimi nga OST-ja përkatëse të livrimit, pranimit ose injorimit prej saj të detyrimeve të Palës Pretenduese lidhur me Programimin sipas Kontratës.
 - c. defektet apo ndërprerjet në rrjetin e shpërndarjes.
 - d. defektet apo ndërprerjet në sistemin e gjenerimit të KESH sh.a.
2. KESH sh.a. nuk do të shesë/levroje energji elektrike për OSHEE sh.a. për mbulimin e humbjeve në rrjetin e shpërndarjes, në kushtet kur e ka të pamundur plotësimin e sasise kontraktuale me FSHU për furnizimin e klienteve fundore.
3. Nëse një Palë pengohet plotësisht ose pjesërisht për shkak të Forcës Madhore apo pamundësisë objektive të përcaktuara në këtë kontratë, do të konsiderohet se nuk ka ndodhur asnjë shkelje ose mospagim nga ana e Palës Pretenduese dhe ajo do të çlirohet (dhe jo thjesht pezullohet) nga këto detyrime për atë periudhë kohore dhe në atë shkallë që kjo Forcë Madhore e pengon performancën e saj. Asnjë detyrim për të paguar dëmet nuk do t'i merret Palës Pretenduese lidhur me sasinë e palivruara ose të pamarra.
4. Pala Pretenduese, sa më shpejt që të jetë e mundur pasi mëson për Forcën Madhore, do të njoftojë Palën tjetër për fillimin e Forcës Madhore dhe, për aq sa është e mundur, do t'i sigurojë një vlerësim jo-detyrues mbi zgjatjen dhe kohëzgjatjen e pritshme të paafëtësisë së saj performuese. Pala Pretenduese do të përdorë gjithë përpjekjet komercialisht të arsyeshme për të lehtësuar efektet e Forcës Madhore dhe gjatë vazhdimit të Forcës Madhore, do t'i sigurojë Palës tjetër përditësime të arsyeshme, kur dhe nëse disponohen, mbi zgjatjen dhe kohëzgjatjen e pritshme të paafëtësisë performuese.
5. Në rast dhe në atë shkallë që Shitësi çlirohet nga detyrimet e livrimit për shkak të Forcës Madhore, Blerësi do të çlirohet gjithashtu nga detyrimet korresponduese të pranimit dhe pagesës. Në rast dhe në atë shkallë që Blerësi çlirohet nga detyrimet e pranimit për shkak të Forcës Madhore, Shitësi do të çlirohet gjithashtu nga detyrimet korresponduese të livrimit.
6. Në rast të mos lëvrimit të plotë apo të pjesshëm të energjisë elektrike nga ana e Shitësit sipas sasisë së përcaktuar ndërmjet palëve, Shitësi, në rastin kur nuk shfaqësohet nga Forca Madhore, sic përcaktohet në këtë nen, do të paguajë Blerësit një shumë për sasinë e moslëvruar të energjisë elektrike, të barabartë me diferencën e cmimit ndërmjet cmimit të përcaktuar në këtë kontratë dhe cmimin më të lartë, nëse ka një të tillë, me të cilin Blerësi e ka blerë ose do ta blinte sasinë e palëvruar të energjisë elektrike në treg, duke vepruar në një mënyrë komercialisht të arsyeshme, shumë të cilës do të shtohen edhe kostot shtesë, të dokumentura.

7. Në rast të mos pranimit të plotë apo të pjesshëm të energjisë elektrike nga ana e Blerësit sipas sasisë së përcaktuar ndërmjet palëve, Blerësi, në rastin kur nuk shfajësohet nga Forca Madhore, sic përcaktohet në këtë nen, do ti paguajë Shitësit një shumë për sasinë e papranuar të energjisë elektrike, të barabartë me diferencën e cmimit ndërmjet cmimit të përcaktuar në këtë kontratë dhe cmimin më të ulët, nëse ka një të tillë, me të cilin Shitësi e ka shitur ose do ta shiste sasinë e papranuar të energjisë elektrike në treg, duke vepruar në një mënyrë komercialisht të arsyeshme, shumë të cilës do ti shtohen edhe kostot shtesë, të dokumentura.

Neni 6

Personat e kontaktit

1. Të gjitha njoftimet, që dërgohen sipas ose në lidhje me këtë Kontratë, duhet të dërgohen me shkrim në adresën e mëposhtme me email ose faks:

Për Furnizuesit të Shërbimit Universal	Për KESH
Administratori i Kontratës	
Z/Znj. Etleva Joti (AGOLLI) Funksioni Drejtor Operacional/DTE Adresa Bulevardi “Gjergj Fishta”, Ndërtesa Nr. 88, H.1, Njësia Administrative Nr. 7, 1023, Tirane. Mob:+ 355694140008 E-mail: Etleva.agolli@oshee.al	Z/Znj Erideta Bashi Drejtori i Departamentit të Operacioneve Tregtare Adresa: Rr.”Viktor Eftimiu”, Blloku “Vasil Shanto”, Tiranë Tel.: + 355 4 2241981/249 Mob:+ 355696052851 Fax: + 355 4 2232046 E-mail: dot@kesh.al ;
Programimi	
Z/Znj Ermira Staka Funksioni: Specialist/Drejtorja e Blerjes se Energjise ne treg te rregulluar/DTE. Adresa: Bulevardi “Gjergj Fishta”, Ndërtesa Nr. 88, H.1, Njësia Administrative Nr. 7, 1023, Tirane. Mob:+ 355694147922 E-mail: ermira.staka@oshee.al	Z/Znj Rakela Llanaj Përgjegjës, Sektori I Administrimit të Transaksioneve Adresa: Rr.”Viktor Eftimiu”, Blloku “Vasil Shanto”, Tiranë Tel.: + 355 4 2241981/263 Mob:+ 355694033490 Fax: + 355 E-mail: scheduling@kesh.al
Back Office	
Z. Ceno Klosi Funksioni Drejtor i Departamentit Ekonomik Adresa: Bulevardi “Gjergj Fishta”, Ndërtesa Nr. 88, H.1, Njësia Administrative Nr. 7, 1023, Tirane. Mob:+ 355694145377 E-mail: ceno.klosi@oshee.al	Z/Znj Ina Malaj Përgjegjës, Sektori i Administrimit të Kontratave Adresa: Rr.”Viktor Eftimiu”, Blloku “Vasil Shanto”, Tiranë Tel.: + 355 4 2241981/263 Mob:+ 355698025300 Fax: + 355 4 2232046 E-mail: backoffice@kesh.al

Neni 7

Legjislacioni në Fuqi dhe Zgjidhja e Mosmarrëveshjeve

1. Legjislacioni në Fuqi: Përveç kur specifikohet ndryshe, kjo Kontratë do të interpretohet dhe drejtohet nga legjislacioni në fuqi të RSH.
2. Zgjidhja e Mosmarrëveshjeve: Përveç kur specifikohet ndryshe, çdo mosmarrëveshje që ngrihet lidhur me Kontraten do t'i referohet fillimisht për zgjidhje ERE-s. Secila palë mund të kërkojë gjithashtu zbatimin nga Gjykata të të drejtave të saj kontraktuale. Gjykata kompetente është gjykata e Rrethit gjyqësor Tiranë.

Neni 8

Miratimi i ERE-s, hyrja në fuqi, efektet dhe zgjidhja e parakohshme

1. Kjo Kontrate, dhe secili nga kushtet këtu, do të hyjnë në fuqi pas miratimit nga ERE dhe do të shtrijë efektet nga dt. 01.01.2019.-31.12.2019
2. Ajo mund të përfundohet, ndryshohet apo zgjidhet përpara datës së mbarimit të saj, vetëm me miratimin nga ERE.

Neni 9

Kjo kontratë nënshkruhet në 5 (pesë) kopje të barazvlefshme, 3 (tre) kopje KESH sh.a. dhe 2 (dy) për OSHEE sh.a.



Benet BECI
ADMINISTRATOR



Adrian ÇELA
ADMINISTRATOR